

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina
CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj: 05.08-21-17076-3/25
Sarajevo, 29.07.2025. godine

Na osnovu Programa utroška namjenskih sredstava vodnih nakanada za 2025 godinu u razdjelu 33, ekonomski kod 615100, pozicija „Kapitalni transferi drugim nivoima vlasti i fondovima“ broj: 02-04-38588-29.1/25 od 09.07.2025.godine, Ministarstvo komunalne privrede, infrastrukture, prostornog uređenja, građenja i zaštite okoliša, objavljuje:

JAVNI POZIV
za dodjelu sredstava po osnovu prihoda vodnih naknada
za 2025. godinu na području Kantona Sarajevo

I Predmet i svrha Javnog poziva

Predmet Javnog poziva je javno prikupljanje prijava općina za dodjelu sredstava za realizaciju projekata vodne infrastrukture, odnosno za projekte - vodnih objekata za vodosnabdjevanje i vodnih objekata za zaštitu voda od zagađivanja na području općina Kantona Sarajevo iz Programa utroška namjenskih sredstava vodnih nakanada za 2025 godinu u razdjelu 33, ekonomski kod 615100, pozicija „Kapitalni transferi drugim nivoima vlasti i fondovima“ broj: 02-04-38588-29.1/25 od 09.07.2025.godine (u daljem tekstu: Program). Budžetom Kantona Sarajevo za 2025. godinu („Službene novine Kantona Sarajevo“, broj: 13/25) u razdjelu 33, ekonomski kod 615100 pozicija „Kapitalni transferi drugim nivoima vlasti i fondovima“, planirana su sredstva u ukupnom iznosu od 8.871.270 KM (osam miliona osamstosedamdesetjedna hiljada i dvjestosedamdeset konvertibilnih maraka) prema raspodjeli po općinama utvrđenoj u programu i to:

Općina	Centar	Stari Grad	Novo Sarajevo	Novi Grad	Ilidža
Iznos (KM)	754.818	1.003.749	1.126.411	1.250.000	1.111.754

Općina	Vogošća	Ilijaš	Hadžići	Trnovo
Iznos (KM)	981.329	837.213	1.205.996	600.000



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>, E-mail: mkipgo@mkipgo.ks.gov.ba

II Pravo učešća

Pravo na podnošenje prijava imaju općine sa područja Kantona Sarajevo.

III Projekti koji se sufinansiraju

Ministarstvo komunalne privrede, infrastrukture, prostornog uređenja, građenja i zaštite okoliša po Programu sufinansira:

- Izgradnju i/ili rekonstrukciju vodnih objekata od značaja za općine (vodni objekti za vodosnabdijevanje) i
- Izgradnju i/ili rekonstrukcije vodnih objekata od značaja za općine (vodni objekti za zaštitu voda od zagađivanja).

Općina kandiduje projekte isključivo u okviru planiranog iznosa za tu općinu.

IV Opći i posebni uslovi za dostavljanje prijava za korištenje sredstava vodnih naknada i kriteriji za odabir projekata

Opći uslovi poziva

1. Da je projekat koji se kandiduje za sufinansiranje, vodni objekat u skladu sa članom 14. stav 1. tačka 3. alineja 1. i tačka 4. Zakona o vodama ("Službene novine Federacije BiH", broj 70/06);
2. Da je korisnik sredstava uspješno završio ili je u toku realizacije projekta i da je pravdao prethodni projekat shodno potpisanom sporazumu sa Ministarstvom komunalne privrede, infrastrukture, prostornog uređenja, građenja i zaštite okoliša;
3. Da je korisnik sredstava obezbijedio projektnu dokumentaciju na nivou glavnog projekta sa ishodovanim odobrenjem za građenje.

Posebni uslovi poziva (max 100 bodova)

1. Prioritetnost projekta (max 20 bodova)
2. Procijenjeni broj stanovnika koje će biti priključeno na vodovodnu/kanalizacionu mrežu (max 20 bodova)
3. Kategorizacija projekta (max 10 bodova)
4. Vlastita ulaganja (max 20 bodova)
5. Ukupna vrijednost projekta (max 15 bodova)
6. Step realizacije ukupno dodjeljenih sredstava po Sporazumu iz 2024. godine (max 15 bodova)

Za potrebe rangiranja projektnih prijava, primjenjuju se sljedeći kriteriji: prioritetnost projekta (do 20 bodova), pri čemu općina sama određuje koji projekat smatra prioritetnim u skladu sa svojim planskim dokumentima i potrebama; procijenjeni broj stanovnika koji će biti priključeni na vodovodnu ili kanalizacionu mrežu (do 20 bodova), gdje se prednost daje projektima sa širim korisničkim obuhvatom; kategorizacija projekta (do 10 bodova), kojom se razlikuju projekti vodnih objekata za vodosnabdijevanje i za zaštitu voda od zagađivanja; vlastita ulaganja (do 20 bodova), gdje se vrednuje finansijsko učešće općine; ukupna vrijednost projekta (do 15 bodova), kojim se dodatno boduju infrastrukturno zahtjevniji projekti; te stepen realizacije sredstava dodijeljenih po Sporazumu iz 2024. godine (do 15 bodova), kojim se boduje uspješnost i ažurnost općina u korištenju prethodno dodijeljenih sredstava.

V Obavezna dokumentacija

Podnosioci prijave iz tačke II. ovog Javnog poziva trebaju priložiti sljedeću dokumentaciju:

Popunjen, potpisan i ovjeren obrazac za prijavu projekta (preuzeti sa [www. https://mkipgo.ks.gov.ba](https://mkipgo.ks.gov.ba)) kojii mora sadržavati popunjene sve tražene podatke, i sljedeću dokumentaciju:

- Izjavu da je Projekt – vodni objekt za vodosnabdijevanje ili
Projekt - vodni objekti za zaštitu voda od zagađivanja;
- Izjavu da je Projekat usklađen sa prostorno-planskom dokumentacijom općine;
- Izjavu o namjenskom trošenju sredstava potpisanu od strane odgovorne osobe;
- Izjavu o visini vlastitog finansijskog učešća u implementaciji projekta potpisanu od strane odgovorne osobe;
- Izvještaj koordinatora o realizaciji sredstava za projekte iz prethodne godine shodno potpisanom Sporazumu, kojim se dokazuje da je korisnik sredstava uspješno završio i pravdao projekte.;
- Glavni/Izvedbeni projekat na CD-u (PDF) i Odobrenje za građenje;
- Izjavu da je korisnik projekta proveo postupak javne nabavke ili da će provesti postupak javne nabavke u skladu Zakonu o javnim nabavkama BiH ("Službeni glasnik Bosne i Hercegovine" broj 39/14, 59/22 i 50/24).

Svi dokumenti koji se prilažu uz prijavu moraju biti original ili ovjerene kopije.

Dokumenti koji se šalju na Javni poziv, ne vraćaju se podnosiocu prijave.

Prijave s nepotpunom dokumentacijom, kao i podnesene nakon roka i utvrđene forme, neće se razmatrati.

VI Podnošenje prijave na Javni poziv

Prijava za učešće s obaveznom pratećom dokumentacijom dostavlja se na centralni Protokol Kantona Sarajevo ili preporučeno putem pošte na adresu:

Ministarstvo komunalne privrede, infrastrukture, prostornog uređenja, građenja i zaštite okoliša
Kanton Sarajevo

Ul. Reisa Džemaludina Čauševića br.1

71000 Sarajevo

uz naznaku „Javni poziv za dodjelu sredstava po osnovu prihoda vodnih naknada za 2025. godinu na području Kantona Sarajevo“ – Ne otvaraj.

VII Rok za podnošenje prijava na Javni poziv

Rok za podnošenje prijava na Javni poziv je petnaest (15) dana od dana objave na web stranici Ministarstva.

Prijave dostavljene nakon isteka roka iz Javnog poziva vraćaju se podnosiocu neotvorene.

VIII Razmatranje prijava i odabir projekata

Razmatranje prijava i odabir kandidovanih projekata koji ispunjavaju uslove iz Javnog poziva, izvršit će Komisija za provođenje postupka dodjele sredstava iz Javnog poziva koju imenuje ministar Ministarstva komunalne privrede, infrastrukture, prostornog uređenja, građenja i zaštite okoliša.



IX Opće informacije

Ovaj Javni poziv biće objavljen na web stranici: <https://mkipgo.ks.gov.ba> u dijelu „Konkursi i Javni pozivi“.

Za dodatne informacije podnosioci prijava mogu se obratiti Ministarstvu najkasnije 5 (pet) dana prije isteka roka za podnošenje prijava i to na e-mail: mkipgo@mkipgo.ks.gov.ba ili telefona 033/ 56 04 34.



Dostaviti:

1. Web stranica Ministarstva komunalne privrede, infrastrukture, prostornog uređenja, građenja i zaštite okoliša,
3. Evidencija,
4. Arhiva.